



Broj: 01- 43-1-163 /22-1
Datum: 29.06.2022. godine

Na osnovu člana 143. Zakona o zaštiti i spašavanju ljudi i materijalnih dobara ("Službene novine Federacije BiH", br. 39/03, 22/06 i 43/10) a u vezi sa članom 10. Pravilnika o sadržaju i načinu vođenja evidencije obveznika civilne zaštite ("Službene novine Federacije BiH", broj: 1/19) i Rješenja o formiranju Jedinice opće namjene broj: 01-43-1-163/22 od 03.02.2022. godine, Načelnik Općine Travnik raspisuje

JAVNI POZIV za popunu lične formacije Jedinice opće namjene civilne zaštite

I.

Raspisuje se Javni poziv za popunjavanje Jedinice opće namjene civilne zaštite na području Općine Travnik. Jedinica opće namjene popunjava se u načelu teritorijalne popune u formi voda (32 pripadnika) u skladu sa dokumentom Okvirne lične i materijalne formacije štabova, jedinica i povjerenika civilne zaštite i službi zaštite i spašavanja.

II.

Poslovi jedinice opće namjene obuhvataju izvršavanje zadataka na pružanju podrške u provođenju mjera prve medicinske pomoći, za gašenje početnih i manjih požara, zaštiti od poplava, spašavanju ugroženih iz ruševina, izgradnji skloništa i zaklona, provođenju mjera RHB zaštite, evakuaciji i zbrinjavanju ugroženih i stradalih, transportu i snabdijevanju osnovnim sredstvima za ishranu, smještaj i zdravlje ugroženog stanovništva, te zaštitu životinja.

III.

Uslovi za prijavu

Pravo prijave na javni poziv imaju svi zainteresovani građani koji ispunjava slijedeće uslove:

- da je državljanin Bosne i Hercegovine,
- da im je prebivalište na području općine Travnik,
- da su radno sposobni građani od 18 do 60 godina starosti (muškarci) odnosno od 18 do 55 godina starost (žene).

IV.

Kriteriji za prijavu:

- opća zdravstvena sposobnost,
- najmanje SSS, svih zanimanja,
- znanje i vještine od značaja za obavljanje zadataka zaštite i spašavanja,
- godine starosti,
- mjesto prebivališta,
- da nije raspoređen u jednu od struktura civilne zaštite kao i da

- nije u svojstvu lica iz člana 12. Zakona o zaštiti i spašavanju ljudi i materijalnih dobara, a to je da se u civilnu zaštitu **ne raspoređuju**:
 - a) lica na službi u Oružanim snagama Bosne i Hercegovine;
 - b) službenici i namještenici organa unutrašnjih poslova, pripadnici policije i kazneno popravnih zavoda;
 - c) trudnice, majke i samohrani roditelji koji imaju jedno dijete mlađe od sedam godina života, odnosno dvoje ili više djece mlađe od 10 godina života, kao i staratelji djece bez roditelja tih godina života;
 - d) staratelji starim i iznemoglim licima;
 - e) lica proglašena nesposobnim za služenje u civilnoj zaštiti.

V.

Postupak popune Jedinice opće namjene:

Postupak popune Jedinica opće namjene vrši se u skladu sa članom 11. Pravilnika o sadržaju i načinu vođenja evidencije obveznika civilne zaštite:

- zainteresovani građani koji su se prijavili i ispunjavaju kriterije javnog poziva pozivaju se na intervju. Intervju obuhvata pitanja o motiviranosti, zainteresovanosti, dobrovoljnosti, stručnim znanjima i posebnim vještinama od interesa za djelovanje u Jedinici civilne zaštite opće namjene;
- lica koja zadovolje intervju daju izjavu o dobrovoljnom pristupanju strukturama civilne zaštite te
- dostavljaju lične i druge informacija i podatke radi uvođenja u službenu evidenciju pripadnika civilne zaštite o čemu se donosi posebno rješenje. Stupanjem na snagu rješenja izabrani obveznik civilne zaštite stiče status pripadnika civilne zaštite.

Ukoliko se po ovom Javnom pozivu ne popuni lična formacija Jedinice opće namjene ovlašćuje se Služba za civilnu zaštitu da u saradnji sa mjesnim zajednicama izvrši popunu iste.

VI.

Obrazac prijave može se preuzeti na web stranici Općine Travnik www.opcinatravnik.com.ba, koji je sastavni dio ovog poziva ili preuzeti lično u Centru za pružanje usluga građanima općine Travnik (zgrada Općine, Konatur b.b.) ili u Službi za civilnu zaštitu.

Popunjenu prijavu možete dostaviti putem e-mail na adresu arnela.satovic@opcinatravnik.com.ba ili putem pošte Općina Travnik, Konatur b.b. 72270 Travnik sa naznakom "Prijava na javni poziv za popunu Jedinice opće namjene" ili dostaviti lično na Protokol Općine Travnik.

Prijave na Javni poziv dostaviti u roku od 15 dana od dana objave istog na web stranici Općine Travnik.

Za eventualna pitanja ili pojašnjenja možete se obratiti na broj telefona: 030/509-061 ili email: arnela.satovic@opcinatravnik.com.ba

DOSTAVITI:

1. Službi za civilnu zaštitu,
2. web Općine Travnik,
3. Oglasna tabla Općine Travnik
4. Arhiva.



N A Č E L N I K

dr. sci. Kenan Dautović